



Un total di 10 partido politico a presenta pa e 'loting' di entrega di lista di candidato



Suspension di detencion di ex-minister

Glenbert Croes a wordo poni den libertad condicional

ORANJESTAD (AAN): Riba Diabierna, a tuma nota cu Glenbert Croes no ta deteni mas, y a sali liber condicionalmente.

Segun Ministerio Publico, enberdad riba Diabierna 11 di October 2024, e mientras tanto ex-minister di Labor, Energia y Integracion, Glenbert Croes, a keda presenta dilanti di hues comisario como sospechoso den e investigacion Portulaca.

El a ser presenta dilanti Hues Comisario cu a revisa tur documento relaciona cu su detencion. El a nota cu e proceso con nan a detene, y priv'e di libertad tabata legal y cu e sospecho di asunto di soborno contra di Glenbert ta serio. Pesey hues comisario a ordena e detencion preventivo di e sospechoso cu despues a wordo suspendi.

Esaki ta nifica cu por lo pronto a laga Glenbert Croes den libertad,



pero cu e tin mester na mantene su mes na algun condicion cu hues a impone riba dje.

Un di e condicionnan ta cu e sospechoso mester cumpli na yamadan di polis y husticia.

E investigacion penal ta continua. Den interes di e investigacion cu ainda ta andando, Ministerio Publico na e momento aki no ta duna mas informacion.



ORANJESTAD (AAN): HoofdStembureau Aruba a informa cu den cuadro di entregamento di lista di candidatonan di partidonan politico dia 18 di october 2024, e partidonan cu ta desea di entrega nan lista di candidato personalmente, a haya e oportunidad diabierna mainta pa saca un lot pa asina stipula e orario di entrega di e lista di candidatonan di partidonan politico pa cu e eleccion di parlamento di 6 december 2024.

Diabierna, un total di 10 partido politico tabata presente pa e loting. E resultado di e loting ta lo siguiente:

Esaki ta e orario pa entrega di lista 18 october 2024:

09:00: Partido HTC (HTC)

10:00: Cristiannan Uni Reforzando Potencial di Aruba (CURPA)

10:30: Movimiento Arubano Soberano (MAS)

11:00: Movimiento Indigena Arubano (MIA)

12:00: Partido Patriotico di Aruba (PPA)

13:00: RAIZ

13:30: Movimiento Electoral di Pueblo (MEP)

14:30: Red Democratico (RED)

15:00: Accion 21 (ACCION 21)

15:30: FUTURO (FUTURO)

E resto di partidonan, lo por haci entrega di lista online, riba e mesun dia entre 9 a.m. y 4 p.m, segun carta di Electoral Raad